

Yiith e raan ci caal e pinyinhôm

Ajokcok

Nă caa athëëk tō e baai thōk e thai yic gām ku yithkēn thoŋ tō e nyiinkēn, kek aalau enhom ku thoŋ, ku dōr e pinyinhom.

Ku nă ci yiith e raan mar ekɔc nhiim, ku dhalkek bi kuɔc lōōi bēi epion e raanic, ku aye raan thōk eben waai bi ben epinyinhom bi raan liëk e lau enhom e jamdeic, ku thëëk yanhde, ku ci bēn rioc, ku ŋoŋ.

Ku na peth bi lōōŋ raan aakōuny, bi raan cii nyany e rin ekōuc lōui ye lōui yēn, ku tɛŋ enyin piny.

Ku nă ci wut ethai matyiic, yen gam e cōk elōōŋiic lōn de raan yith tēēm kua thëëk, ku na thōŋ mōc nhōm kēk e tik e yithiic kua ci tēēm bik rōt aakōuny bi pir piath baai ku lēu yic.

Ku na ci bēi tō akutic gam bik ka cin mat kek akut e mawuut epinyinhom(UN), bik yith e raan ku lau enhōm kua thëëk aatiit.

Ku na ŋic eben lōn e yith kak ku lau enhōm alēŋ kōuny dit kua thëk e gēm gēm ken yic.

Ka kut dit adhël.

cōōt ecēēl ken yic erin yith e raan, erin yēn e tēn erōm ethai eben thin, ku(UN), wic bi raan tic e ciēŋic ku tēu ka nyiin piny ecēēl ken yic, bi athëk eyith ku lau enhōm kak cōk cōkpiny edhōl epioc ku wēēt ku cēr cēr ebaiyic ku pinyinhōm bi bik tiit. epiny nhōm eben ekēm ebēi tō akutic, ku thai awēn rēr tō eke cin.

Wiēn 1

Raan thōk eben aye dhëēth ka lau nhōm kua thōŋ nhiim eyithiic, kua thëkic, kua ci yëknhiethku puou, ku bik cēŋ ka ke ye mith etik.

Wien 2

Raan eben alēŋ yic bi liëk eyithiic ku lau enhōmic ecēēl kenic ka ci tēktēk ethōk etiël ekuat, ku kit, kemen thai ku thōk ku yanh ethëëk ku wël ebai kmen wēt dēt lōi e rot kemen bai ku ciēŋ bai kemen jɛk ku dhêth kemen kuat etau dɛt lōi e rɔt ka cin tēktēk ethōk ekem mō ku tik.

Ku cit te wen ci yen luel, acin tiel tō e wel ebai yic ku lōōŋ ku kem ebei ku ten wen rēr eraan thin pan cēŋ kemen ci cēēn kemen aci rōt mac erōt, kemen tō eraan dēt cin.

Wien 3

Raan thōk eben alɛŋ yic bi pir ku leu nhōm ku le laŋ.

Wien 4

Kuat eraan acii leu bi kool kemen bi loony kuat epec ku loony thok eben aci pēēn.

Wien 5

Raan thok eben aciben e lēēŋ kemen bi kōuc yōŋ ci min elai, keme bi joor bi ci thëk.

Wien 6

Raan thok eben kuat et ci yen yok thin alēŋ yic bi gam ka ye raan lēŋyic elooŋiic.

Wien 7

Raan thok eben aathoŋ nhiim elooŋ nhiim, kua lēn yic bi liek ekōuny thoŋ nhōm ka cin tiel bi looŋ kak tiit.

Wien 8

Raan thok eben alēn yic bi luk ebanypanden nhiimbi yicde yok ci min eyith tuēŋ e looŋ kek gam yen.

Wien 9

Ran thok eben aci leu bi dōm kemen dampiny, kemen cōb ewēi baai edieny.

Wien 10

Raan thok eben alēŋ yic bi nhōm agit ka kɔc kɔk, bi luŋde tiŋ elūok pathiic bi yek yicde ekɔc nhiim ku kak ci gām rōt, ku kuat emēny ci yen mēēny gōup.

Wien 11

Kuat eraan ci mēeny, acin gōup awuc yet te bi loŋ yen nyooth lon le yen gōup awuc ekɔc nhiim ku kony bi rot kōuny bei.

Raan aci luk ewei erin eken ci lōi kemen ci kuec bi lōi, ke ce yen awuc ye loŋ ebaai nyooth, kemen loŋ epinyinhōm, te wen yen looi yen rot thin.

Wien 12

Acin raan ekēēc epir eraande yic, kemen pande ku ŋonde kua thorkeiic kemen bi dhol ku rēc erin edieny, ku raan eben alēŋ yic bi loŋ kōuny ekak cit ekak yiic.

Wien 13

Raan eben alēŋ yic bi cēēth te wic ku lōc te den erēēr ɛŋan akeu thok eben ebaai yic.

Raan eben alēŋ yic bi la te wic epiny nhōm agut panden kua lēn yic bi dhok thin.

Wien 14

Raan eben alēŋ yic bi kook pandet, kemen bi them bi kook thin ka kat ekōuc ciēŋ.

Kuat eraan ci kaŋ yath elukic awuc ca awuc ewel ebaai kemen bi lui eke ce rōm kek elooŋ (UN), acii lēŋ yic bi liek eyic ken yic.

Wien 15

Raan eben alēŋ yic bi rot yek anyōōth lōn eyen ran ebaai.

Aci leu bi raan pen wer erot edieny, kemen bi jai lōn ci yende yic bi rot war.

Wien 16

Mɔc ku tik te ci kek roun ethëëk dōōt, aalēŋ yic bik ker ebɔci ku lōike mith ka cinic ale kemen yath kua lēŋ yiith thōŋ nyiin ethiëkic ku loui yic ku pōk yic.

Thiëk ci loi ka kic ekɔc thiëk rot gām kua ci mēc ekek.

Mɔc ku tik kek aamaatic tueŋ ebaai, kua lēŋ yic bik liek ekōuny baai ku baai nhōm.

Wien 17

Raan eben alɛn yic bi lēŋ kede erot, kemen bi rōm kek kɔc kok.

Aci leu bi raan pēēc cin bei ekake edieny.

Wien 18

Raan eben alēŋ yic bi tak ka lau nhôm popuonde, yanhde kua lēŋ yic bi yanhde waric kemen ke ye thēēk kua lēŋ yic bi pioc ku yeknhôm ku nyooyh ku tiit ka thien keme ekoc nhiim.

Wien 19

Raan eben alēŋ yic bi wetde luel ka lau nhôm kue yic ken egām ewel ka launhôm ka cin raan la thin ku y'ong ewel ku tektek ku cēel kek edhol ci takic ka ci luui aken ewuad.

Wien 20

Raan eben alēŋ yic bi met akutic kua kuut la lik.

Aci leu bi kuat eraan mat akut ci wic yic eriel.

Wien 21

Raan eben aloeŋ yic bi lui miric panden bi kuany egai ekoc ekuany.

Raan eben aleŋ yic bi lui ci min ekuat eraan lui baai.

Ke wic koc ebaai yen eya rie e mir. ku ke wic koc kene ekueny kueny bi kam bi yaa weenic ekuany aliklik ka koc thōŋ nhiim kemen bi loui te wen bi raan cuet ka lau nhôm.

Wien 22

Raan eben ka ye raan aakutt ekociic aalēŋ yic bi kōny ekoc bai ku koc epinynhôm ka cit te ye panden ye loui thin ku yith epirde ku cieŋ ku wēēt ci rot pal athekde yic la tuēŋ ku thiek yicde.

Wien 23

Raan eben alēŋ yic bi lui ku kuany ka cit te wic e yen kua lēŋ yic bi kōny bi lui.

Raan eben aleŋ yic bi lui a riob thoŋ nhôm eloi yic ka ci yic tiel.

Raan eben alēŋ yic bi riob ariob ci gam bi rot muk apth ku juak ekak awen bi pirde cokpiny.

Raan eben aleŋ yic bi dit ku met akuic bi ka ke tiit koth.

Wien 24

Raan eben aleŋ yic bi loŋ kemen bi cin lau ku nyoth enin ken eloi ku kol cin yen loi thin.

Wien 25

Kuat eraan aleŋ yic bi pir ka piol goup ku mit puou ka pande ecampathic, kua leth ku ten enin ku ka wen ekoc kouny baai kua lēŋ yic bi pir cok nyinic ke cii yen lui, ku tuany, kemen ci bāl ku lēŋ kemen ci dhiōb ku la kak awen epir mietic, ka leu yen cin thin.

Meth ku man aleŋ yic bi kek kōny ku muk kek apath ku mith eben athōŋ nhiim bi kek tiit baai mith dhēth moc kek ku mith e lim.

Wien 26

Kuat eraan aleŋ yic bi pioc kua dhil epioc epath tueeŋ, ku pioc tueeŋ adhil emac eya nhôm, kua pioc etēet ku loi loi ecin ku cōl pioc den la tueeŋ apiolic, bi nhôm thōŋ ka jaŋ.

Ku wēt ke ku bi thiekic ku thēk ka ye raan ku lau enhôm la tueeŋ e cieŋ ku pēlpiny ewel ku määth ekem e wuuut ku la kuut, ku kōny thaai epinynhôm bi door muk.

Warken emith aleŋ yic bik mithken wēt cit te wicke.

Wien 27

Kuat eraan aleŋ yic bi met ka lau nhôm epir ekoc ebaai yic, ku bi liek etēetic kua jueer erin ela tueeŋ epioc ku bi kak bi ben bei yhin kēc kōuny.

Kuat eraan aleŋ yic bi ka path ku cieŋ ken epioc tiit.

Wien 28

Kuat eraan aleŋ yic bi liek ecieŋ ekoc epinynhōmic, bi yithke ku lau enhôm ci nyooth ecēel ken yic yok egai.

Wien 29

Raan eben adhil koc loui bi yen nyouth lon te yen ekociic bi dit ka lau nhôm.

Raan eben adhil yithke thaap ka kacit te ci looŋ yen nyouth thin bigemgēm e yith e koc kōk, ku lau e nhōmde kua thekden, ku jōl aathōŋ nhôm e loiloi yiic, ku ka poth eyok eben ku jam aatheek ecieŋ ekoc epaan ekec thoŋ nhiim.

Aci rot kaŋ lēu ather bi yith kak thaap ka ce te wen wic thai epiny nhôm ke thin.

Wien 30

Acin wet leu bi war kemen bi cokpiny e cēel ken yic ku luel ala ka ci pan ken kemen raan ken aci looi bi lyiith ku lauenhôm ci ben thin rac.